

Dissertatiuncula, de Democriti heterodoxia in doctrina de nutritione foetus in utero / [Lorenz Efferen].

Contributors

Efferen, Lorenz.
Seger, G.
Universität Basel.

Publication/Creation

Basle : G. Decker, [1660]

Persistent URL

<https://wellcomecollection.org/works/pyuq6uxa>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

59 D. xix 50494
6
5.
DISSERTATIUNCULA,

De
DEMOCRITI

HETERODOXIA IN DOCTRINA
DE NUTRITIONE FOETUS
IN UTERO.

Quam,

D. O. M. A.

PERMISSU

Nobilissimi atq; Amplissimi

MEDICORUM ORDINIS.

in

Perantiqua & Florentissima
RAURACORUM UNIVERSITATE

Secularem solemnitatem iterum feliciter
celebrante,

20 *Publico ac Placido*

ERUDITORUM EXAMINI

assistit

P R A E S E S

GEORGIUS SEGERUS

THORUNENSIS.

RESPONDENTE

LAURENTIO EFFEREN,

Reutlingensi.

Ad diem

Aprilis, An. M DC LX.

Loco horisque consuetis.

BASILEÆ, Typis GEORGI DECKERI,
Universitatis Typographi.

Trigæ Senum Celeberrimæ.

V I R I S

MAGNIFICIS atq; AMPLISSIMIS.

DN. NICOLAO RITTERSHUSIO,

Jcto Gravissimo, Sereniss. Elect. Bavariæ & Illustris
Reipubl. Noricæ Consiliario Sapientissimo, ac in
Florentiss. Universitate Altdorfina Juris
Antecessori Primario, &c. Patrono
Parentis instar Venerando.

DN. EMMANUELI STUPANO,

Phil. & Med. Doctori Excellentissimo, Medicinæ Theoricæ
in Florentiss. Basileensium Universitate Profess. Publ.
Gratiosissimique Collegii Medici Seniori
ac p. t. Decano Gravissimo, &c.
Evergetæ Colendissimo.

DN. JOH. CASPARO BAUHINO,

Phil. & Med. D. Excellentissimo, Potentiss. Galliarum Regis
& diversorum Germaniæ Principum Archiatro Gra-
vissimo, Botanices ac Anatomes in Florentiss. Ba-
sileensi Prof. Publ. &c. Mœcenati & Pro-
motori Gratiosissimo.


50494

Hanc

DISSERTATIUNCULAM

Sacram vult

P R Æ S E S.



DISSERTATIUNCULA,

De

DEMOCRITI

HETERODOXIA IN DOCTRINA DE NUTRITIONE FOETUS IN UTERO.

I.



Uia *Democritum*, maximum illum seculi
sui Philosophum, (quem ἄριστον φύσεως καὶ
κόσμου ἔφηλεν & τὴν Divinus judicavit *Cous*, (a) & *Subtilissimum antiquorum omnium Subti-*
lissimus pronunciavit *Seneca*) (b) omnes, qui de Nutritione Foetus scribunt, citant, & aut admit-
tunt, aut rejiciunt, ejus sententiam accuratiori examini
subjicere decrevimus.

(a) in epist.
ad Democr.
p. 1287. l. 19.
(b) Nat.
quaest. L. 7.
c. 3. p. 676.

II. Depromptissimus autem Sapientissimi Viri Doctrinam ex *Plutarchi Libris de Placitis Philosophorum*. Non tamen solis. Ne quis nobis sequentia *Guilielmi Xilandr*i, Optimi illius *Plutarchi* Interpretis, objiciat verba:

(c) *Non nescio, quosdam superbire citandis Philosophorum decretis, abusos his libris, quorum librorum alioquin sua est non paenitenda utilitas. Sed insaniunt, qui his libris lectis scire se putant, quid de quâq; in iis propositâre senserint Philosophi.*

(c) in Praef.
Annot. ad
hor Libros.

III. Quare ne aut superbire, aut insanire videamur, non solius *Plutarchi* effato stabimus, sed ei *Aristote-*

lem adjungemus, imò & Authorem libri de Historiâ Philosophicâ, sive is Galenus sit, sive Aëtius.

IV. Proponit autem Plutarchus Summi istius Philosophi sententiam his verbis: (d) Δημόκριτος, Ἐπίκουρος, πρὸ ἐμβρυον ἐν τῇ μήτρᾳ διὰ τὸ σῶμα τρέφεσθαι. ὅθεν ὁ θεὸς γενήσθην ὅτι τὸν μαστὸν φέρεται τῷ σώματι· εἶναι γὰρ ἐν τῇ μήτρᾳ θηλάς τινας, καὶ σώματα, δι' ὧν τρέφεται. Quæ Xilander ita vertit: Democritus, Epicurus, factum in utero per os ali, itaq; statim atq; natus est, ore ad mammam ferri censent. Nam & in utero esse ubera quædam, & oscula quibus alatur.

(e) de Gen. V. Nec dissentit Aristoteles, qui (e) de Democrito
An. L. 2. c. 7. ejusque Sectatoribus scribit, quod dixerint, τρέφεσθαι τὰ
p. 1269. B. παιδικὰ ἐν ταῖς ὑτέραις, διὰ τὸ σαρκιδίον βδάλλειν, infantes
ali in utero, & propterea sugere carunculam quandam.

VI. Conveniunt igitur testes hi omnes in relatione suâ ita, ut & Objectum, & Modum suctionis ex mente Democriti, non quidem iisdem verbis, eodem tamen modo exprimant, quibus Plutarchus & Galenus etiam Subjectum & Adjunctum addunt.

VII. Objectum Aristoteles σαρκίδιον, Plutarchus & Galenus θηλὴν vocant: quæ vocabula Latini per Papillas seu Carunculas explicant.

VIII. Sunt autem Carunculæ propriè sic dictæ, carnosæ quædam particulæ, nonnullis corporis meatibus in primâ partium formatione appositæ, papillas mammarum figurâ, non magnitudine, referentes.

IX. Talis est Caruncula intra urethram, valvulæ instar carnosæ prostaticarum glandulosorum poris, in urethræ principium patentibus, apposita, urinæ in urethrâ ingressum seminisque egressi regressum impediens.

X. Tales sunt Carunculæ, Lacrymales dictæ in majori

jori oculi angulo, foraminulis duobus, quæ Puncta lacrymalia ab Anatomicis vocantur, appositæ, humiditates oculorum superfluas excipientes.

XI. Tales sunt Renum illæ Carunculæ, Papillares Anatomicis dictæ, colaturæ feri inservientes. De quibus, quamvis nunquam eas cum urinâ exeuntes viderit *Galenus*, (f) imprimis tamen sequentem *Hippocratis* Aphorismum (g) intelligendum esse existimamus: *Ὅ κότεσσιν ἐν τῷ ὕρῳ παχὺ ἐόντι σαρκία μικρὰ, ἢ ὥσπερ τρίχες ξυωξέρχονται, τετέοισιν ἀπὸ τῶν νεφρῶν ἐκκρίνεται: Quibus cum urinâ crassâ exigua carunculae, aut veluti pili una exeunt, his à renibus excernuntur.* In quâ sententiâ nos confirmat signum, quod Medici ex contentis in urinâ carunculis de ulceribus renum unanimi sumunt consensu. Nec renuente ipso *Galeno*. (h) Sic enim ille: *Efficacissima ulceratorum renum conjectura est, si cum urinâ exigua quadam Caruncula excernantur, utpote, quas renum essentia partes, easq; ob vehementem ulceris erosionem, avulsas esse constat.*

XII. Tales quoque in utero dari cum *Democrito* credidit *Diocles Carystius*, qui paulò post *Hippocratem* vixit, & Divini Senis doctrinam de Cotyledonibus mirum obscuravit. Scribit enim de eo *Soranus Ephesus*, (i) quod dixerit, dari providentiâ Naturæ in lateribus cavitatis uteri κατυληθόνας, ἢ πλεκτάνας καὶ κεραίας, quæ sint μαλακοὶδεις ἐκ φύσεως, πλεῖστα μὲν καὶ βάσιν, μέγροι δὲ καὶ τὸ ἄκρον. Et quidem in eum finem natæ, ut Embryo περιμελῆται πρὸς θήλας τῶν ματρῶν ὁπιπῶν αὐταί.

XIII. Ita etiam sensit *Epicurus*, de quo *Hermippus* apud *Laërtium* (k) scribit, quod Ludimagister primò fuerit, deinceps autem, cum incidisset in Libros *Democriti*, ad Philosophiam se contulerit. Imò, ut *Metrodorus*

(1) *Com. adv. Colot. Tom. 2. p. 1108. E.* apud *Plutarchum* (1) refert, nunquam ad sapientiam pervenisset, nisi *Democritus* prævivisset.

XIV. Verum enimverò hoc Caruncularum nomen nonnulli Anatomici, & inter eos *Aquapendentius* (m) *de Form. F. par. 1. c. 3. p. 5.* (m) & *Harveus*, (n) aliquali figuræ aut substantiæ similitudine commoti, attribuunt quoque innumera-
(n) *passim, præsertim v. in Exerc. 70.* bilibus illis carneis particulis, quæ in brutorum nonnullorum, & imprimis alterâ parte tantum dentatorum, utero, loco unicæ placentæ, graviditatis tempore reperiuntur.

XV. Sed minus propriè. Neque enim in primâ partium formatione adsunt, nec utero continuæ sunt, nec perpetuæ; atque ita plurimis differunt à propriè sic dictis Carunculis, quarum descriptionem supra §. IIX. præ (o) dedimus.

XVI. Est tamen horum sententia multò tolerabilior, quàm *Dioclis Carystii*, *Sorani Ephesii*, *Aristotelis*, & aliorum, qui ab *Hippocrate* discipulos, dictas particulas carneas Cotyledonas seu Acetabula vocârunt.

XVII. Quamvis si accuratiùs omnia perpendamus, melioris distinctionis gratiâ, pro Caruncularum nomine, Placentularum potiùs nomen substituendum esse censeamus, cum carneæ illæ portiunculæ idem in cervis, damis aliisque brutis præstent officium, quod Placenta Uterina in reliquis animalibus.

XVIII. Nec veremur ideò censoriam *Cl. Courvei* virgulam, quâ *Aquapendentium*, omnesque illos tetigit, (p) qui carneam illam brutorum substantiam ad placentularum genus referunt. Neque enim Placentulas & Cotyledones confundimus, sed manifestè distinguimus, & sic impune abimus. Sed redeamus ad *Democritum*, ne nimia digressione risum ei commoveamus.

XIX. Is

XIX. Is *Subiectum* Suctionis exprimit voculâ *Στόμα*, quam in relatione sententiæ Democriteæ τὸ θηλὴς vocabulo adjunxerunt *Plutarchus* & *Galenus*. Quos hâc voce vasa uterina, eorumque oscula in uterum hiantia, *Hippocrati* κρητὺληθόνες, *Latinis* Acetabula dicta, indigitaſſe patebit, si textus paulò accuratiùs examinetur.

XX. Unde conjicio, copulam καὶ non absque causa textui ab Autoribus dietis esse insertam, dum inquirunt, ἐν τῇ μήτρᾳ θηλὰς πινὰς καὶ σώματα εἶναι, aut: εἶναι γὰρ ἐν τῷ σώματι θηλὰς ὀπιπνοημένους, καὶ σώματα. Voluerunt enim papillas ab osculis vasorum, & ita Objectum suctionis ab ejusdem subiecto distinguere. Et rectè quidem.

XXI. Indicârunt autem per oscula etiam *Adjunctum*, sanguinem scilicet, quem quod infans per papillas ex osculis vasorum uterinorû ore fugat, & in suum alimentum convertat, credidit *Democritus*.

XXII. Id quod etiam alibi ex mente *Democriti* sic inculcat *Plutarchus*: (q) *Postquam genitale semen com-* (q) *Comm. de Amore Pro-*
plexus est uterus, actis jam radicibus: ibi tum menstrua illos *lis, p. 495. E.*
purgationi aptos meatûs natura occludit, sanguinemq; va-
gum arripiens, eo alimenti loco utitur, fœtumq; humectat
eo, &c.

XXIII. Nec movent nos verba, quæ superioribus interpolat, & hujus sunt commatis: *Primum in utero umbilicus nascitur*, ut ait *Democritus*, *tanquam anchora, quâ fœtus nitatur contra fluctuationes, & tanquam retinaculum, aut pedamentum conceptæ sobolis*. Quamvis enim his primâ fronte visis concludere quis posset, adstruxisse etiam *Democritum* nutritionem per Umbilicum. Si tamen exactius ponderentur, id solùm inde elicie-

tur:

tur: Umbilicum, secundum *Democritum*, ideò tantum à Naturâ formari, ut eo tanquam anchorâ aut pediculo foetus, aliàs planè in utero liber, contineatur, ne matre se violentiùs movente, ilicò ad latus aliquod allidat, & contusionem patiat. Ita ut hoc in opere Natura idem præstet, quod Nauta peritus, in conservatione navis suæ, ipsaque provida Mater in fructuum procreatione.

(r) L. 2. de
Gen. An. c.
4. p. 1257. F.

XXIV. Quam nostram opinionem *Aristoteles* (r) nimium confirmat, dum *Democritum* reprehendit, quod dixerit, ejus rei gratiâ animal in utero tantum manere, ἵνα διαπλάτῃται τὰ μέρη καὶ τὰ μέρη τῆς ἐχέουσας: ut membra formentur secundum membra parentis. Quia enim *Democritus* umbilico retinaculi tantum usum assignavit, meritò per umbilicum foetum in utero tamdiu, donec formatio debita absoluta sit, retineri credidit. Hinc dixit, umbilicum esse κλήμα τῷ γενομένῳ καρπῷ, καὶ μέλλοντι pedamentum conceptæ sobolis seu petiolum nato & futuro fructui. Ubi quemadmodum foetum fructui, ita umbilicum pediculo, seu petiolo (ita enim τὸ κλήμα hîc interpretandum esse reor) comparat.

XXV. *Modus* per vocabulum βδάλλειν indicatur apud *Aristotelem*; cujus verbi vis propria hæc est, ut denotet actum illum, quem infans in lucem editus præstat, dum mammis applicatus ex papillis ore prehensis nectar optimum, maternum lac, attrahit. Nec diversum sentit *Plutarchus*, ut ex textu colligere licet.

XXV. Patet igitur ex hætenus dictis, hanc *Democriti* mentem fuisse: Quod Foetus in utero materno carunculas, seu papillas, osculis vasorum uterinorum adjectas, ore prehendat, & ex iis sanguinem maternum per vasa dicta affluentem fugat.

XXVII. Hanc

XXVII. Hanc sententiam suam triplici imprimis medio adstruxisse videtur *Democritus*, quorum prius expressè referunt *Plutarchus* & *Galenus*. Posteriora duo ex suprà dictis haud obscure elici possunt.

XXIIX. Est autem primum desumptum à primâ foetus in lucem editi actione. *Εὐθέως γνηθὲν, ὅτι τὸν μαστὸν φέρεται τῷ στόματι*: statim atque natus est foetus, ore ad mammam fertur. Jam verò, ut rectè ex *Hippocrate* (s) (s) de Carn. subsumere licet, *ὅσῳ ἂν (τὸ παιδίον) θηλάζεν τὸν μαστὸν* p. 250. l. 50. *ἢ πίνατο γρόμικρον αὐτίκα, εἰ μὴ καὶ ἐν τῇ μήτρῃ ἐμυξε*: non, ut primum (puer) natus est, ubera sugere nosset, nisi in utero suxisset.

XXIX. Sed Respondemus: Nec solam, nec talè, qualem *Democritus* voluit, suctionem astruit hoc medium. Non solam. Neque enim video consequentiam: fugit infans alimentum in utero materno; ergo nihil per Umbilicum recipit. Falsum est consequens. Hæ enim actiones sibi non contrariantur, cum & illa & ista alimenti receptio propter eundem fiat finem, Nutritionem puta.

XXX. Sed & talem, qualem *Democritus* docuit, suctionem minimè astruit probatio dicta. *Non enim recens natus infans*, verba sunt Excellentissimi *Harvei* (t) (t) Ex. 58. *papillam labiis comprimens fugit, ut nos, absorbendo; sed* p. 269. *quasi deglutire vellet, totam in fauces usq; attrahit, linguæq; & palati auxilio, tanquam manducando Lac emulget.* Quod tamen non faceret, si in utero carunculas per tot menses suxisset, & labiis papillas comprimendo sanguinem attraxisset.

XXXI. Secundum medium ortum trahit ab usu, & præsentia papillarum, osculis vasorum apposita-

rum. *Sunt enim & in utero papillæ quædam, & oscula, per quæ infantes aluntur.*

XXXII. Resp. Hoc medium quia falsis nititur fundamentis, per se corrui. Neque enim dantur tales papillæ in utero humano; nec, licet darentur, foetus eas fugere posset.

XXXIII. Non dari vel ἀποψία sola evincit. Nullus enim Anatomicorum ἀποπλῶν ejusmodi processûs mamillares, seu carunculas, verè sic dictas, in utero deprehendit. Notanter dico, verè sic dictas, Neque enim de placentulis jam sermo.

XXXIV. Non existunt igitur tales Carunculæ in utero. Et licet existerent, foetus tamen eas fugere non posset. Rationem nobis Natura & Experientia, verba verò Aristoteles (u) suppeditat. Nam πάντα τὰ ἐμέρυα ὁμοίως λεπτοὶ περιέχουσιν ὑμένες, χωρίζοντες ἀπὸ τῆς ὑστερας: *Omnes fetus pari modo membranae tenues ambiunt, separantes ab utero.* Hinc, licet in utero Papillæ adessent, eas tamen, ob membranarum interventum, infans ore fugere non posset.

(u) de Gen.
An L.2.c.7.
p.1269.C.

XXXV. Tertium tandem medium fluit ex menstrui sanguinis retentione. Quia enim Natura, (postquam genitale semen complexus est uterus) meatus menstruæ purgationi aptos occludit, utiq; sanguinem illum foetui in alimentum cedere sequitur.

XXXVI. Resp. Foetum sanguine materno, per Cotyledones placentæ communicato, nutriri omninò dicimus, atque sic hoc medium Democriteum totum admittimus; hac tamen lege, ne inde consequens tale, quale sententia proposita intendit, eruatur.

Et tantum de Sententia Democritea.

RESPON-

R E S P O N D E N T I S

Π Α Ρ Ε Ρ Γ Α.

I.

*Non quemvis deploratum prognosticis
relinquendum putamus.*

II.

*Quædam foris imposita cutem exulce-
rant, comesta non item.*

III.

*Cor musculum cum Hippocrate statui-
mus.*

IV.

*Malè se habentibus ortis, principium
quoq; malè habere lubrica veritatis regula
est.*

V.

Omnis morbus ulcus est.

VI.

*Nullum medicamentum optimum me-
dicamentum optimè dixit Hippocrates.*

VII.

*Qui in quovis morbo blandis & leniti-
vis medicinis tantùm agendum esse putant,
gravissimè errant.*

ΠΡΟΣΦΩΝΗΣΙΣ,

Ad

Pereximium atq; Præstantissimum,

DN. LAURENTIUM EFFEREN,

Amicum suum singularem.

Ἀνδράσι τοῖσι σοφοῖς παρέχων τόδε δόγμα Γελῶν |
Εὖ πιεῖς. Βραχέως Φίλα βραβεῖα λάβε.

* * *

*Euge bonum factum! Ridentis dogmata Doctis
Dum sistis. Ferto premia grata brevi!*

M. CÆS O GRAMM,
Tonningensis.